

ქალაქ ფოთის მუნიციპალიტეტის მერთან გამართული თათბირის

ოქმი N1

09 ივნისი, 2020 წელი

თათბირს ესწრებოდნენ: მერის პირველი მოადგილე კონსტანტინე თოფურია, მერის მოადგილე პაატა ლაგვილავა, ქალაქ ფოთის მუნიციპალიტეტის 2021-2024 წლების პრიორიტეტების დოკუმენტის მოსამზადებელი სამუშაო ჯგუფის წევრები.

დღის წესრიგი:

ქალაქ ფოთის მუნიციპალიტეტის 2021-2024 წლების პრიორიტეტების დოკუმენტის მომზადებასთან დაკავშირებით გასატარებელი ღონისძიებების შესახებ.

მომხსენებელი: ქალაქ ფოთის მუნიციპალიტეტის მერის საფინანსო-საბიუჯეტო სამსახურის უფროსი ვასილ თოდუა

ქალაქ ფოთის მუნიციპალიტეტის მერის საფინანსო-საბიუჯეტო სამსახურის უფროსმა ვასილ თოდუამ თათბირის მონაწილეებს გააცნო ქალაქ ფოთის მუნიციპალიტეტის მერის 2020 წლის 28 თებერვლის N04/345 ბრძანებით დამტკიცებული ქალაქ ფოთის მუნიციპალიტეტის 2021-2024 წლების პრიორიტეტების დოკუმენტის მომზადების მიზნით მუნიციპალიტეტის შიდა საბიუჯეტო კალენდრით განსაზღვრული აქტივობების მიმდინარეობა და აღნიშნა, რომ კორონავირუსის პანდემიასთან დაკავშირებით, სამუშაო ჯგუფის შეხვედრა შედგა დაგვიანებით. ვ. თოდუამ აღნიშნა, რომ პრიორიტეტები უნდა დახარისხდეს, რისთვისაც აუცილებელია სიტუაციური ანალიზისა და მოქალაქეთა კვლევის შედეგების გათვალისწინება.

მომხსენებელმა განუმარტა სამუშაო ჯგუფის წევრებს, რომ აუცილებელია მიმდინარე წლის 25 ივნისისათვის წარმოადგინონ მოქალაქეთა წინადადებები ახალი პროგრამების, ქვეპროგრამებისა და ღონისძიებების შესახებ, რომელშიც გათვალისწინებულ იქნება დღევანდელი მოთხოვნები და პრიორიტეტები.

აზრი გამოთქვეს: სამუშაო ჯგუფის წევრებმა - კონსტანტინე თოფურიამ, მაია მაკალათიამ, გურამ ადამიამ, თენგიზ შონიამ, ნონა სილაგავამ, უბნებში მერის წარმომადგენლებმა, რომელებმაც განიხილეს 2020 წლის ბიუჯეტით განსაზღვრული პროგრამები, ქვეპროგრამები, ღონისძიებები. აღნიშნეს დადებითი მხარეები. ამასთანავე, ყურადღება გაამახვილეს მათი მართვისას გამოვლენილ ხარვეზებზე. სამუშაო ჯგუფის წევრებმა, ასევე, განსახილველად წარმოადგინეს ახალი, პრიორიტეტული პროგრამები, ქვეპროგრამები და ღონისძიებები.

თათბირი შეაჯამა: ქალაქ ფოთის მუნიციპალიტეტის მერმა გოჩა კურდღელიამ, რომელმაც აღნიშნა: კანონმდებლობის მოთხოვნათა შესაბამისად, თვითმმართველობები მუშაობენ მრავალწლიანი ბიუჯეტის დაგეგმვაზე. აუცილებელი პირობაა ბიუჯეტის პროექტის ფორმირებისას მოსახლეობის ჩართულობის უზრუნველყოფა. მერის წარმომადგენლების, თითოეული საჯარო მოხელის ვალდებულებაა დააზუსტონ, რამდენად კმაყოფილია მოსახლეობა გასულ წლებში განხორციელებული პროგრამებით, მოქალაქეთა აზრით, რომელია ის პრიორიტეტული სფეროები, რომლებშიც ადგილობრივმა თვითმმართველობამ უნდა გააუმჯობესოს მომსახურების მიწოდება მომავალ წლებში.

ქალაქის მერმა თათბირის მონაწილეებს გააცნო კონკრეტული მოსაზრება ზოგიერთი ახალი, პრიორიტეტული სოციალური და ჯანდაცვის პროგრამების, ინფრასტრუქტურული პროექტების, კულტურული და სპორტული ღონისძიებების შესახებ.

ქალაქ ფოთის მუნიციპალიტეტის მერის შენიშვნებისა და შეფასების საფუძველზე, სამუშაო ჯგუფის წევრებზე გაიცა შემდეგი დავალებები:

1. 15 ივნისამდე უზრუნველყონ, ქალაქის მოსახლეობასთან შეხვედრებისას გამოთქმული შენიშვნებისა და წინადადებების გათვალისწინებით, პროგრამების წარმოდგენა.
2. უზრუნველყონ ინფრასტრუქტურული პროექტების დაგეგმვაში მოსახლეობის ფართო მასების მონაწილეობა და შეჯერებული პროექტების წარმოდგენა.
3. სამუშაო ჯგუფმა უზრუნველყოს ქალაქ ფოთის მუნიციპალიტეტის 2021-2024 წლების პრიორიტეტების დოკუმენტის მოსამზადებელი საბიუჯეტო კალენდრით გათვალისწინებული ღონისძიებების შესრულების ვადების დაცვა.
4. სამუშაო ჯგუფის მომდევნო შეკრება დაიგეგმოს 2020 წლის 25 ივნისს.

ქალაქ ფოთის მუნიციპალიტეტის მერი  გოჩა კურდღელია